

丁文誠公奏稿

丁文誠公奏稿

卷之六目錄

運防各軍擊敗竄匪跟蹤圍剿摺

同治七年六月二十九日

捻逆全股蕩平搜捕淨盡摺

同治七年七月初七日

收降密察妥辦片

同日

賞加

宮銜謝

恩摺

同治七年七月十九日

酌留兵勇分別遣留馬隊摺

同治七年七月二十一日

籌辦善後情形摺

同治七年八月二十一日

吏治需才敬舉所知摺

同治七年八月二十一日

通籌陝甘滇黔用兵情形摺

同治七年九月十一日

選練登鎮槍隊及海口情形摺

同治七年九月十一日

體察東省運河並漕折窒礙各情摺

同治七年九月二十八日

撫恤災黎截漕備賑摺

同治七年九月二十八日

請建昭忠祠片

同日

截清撥款減營節費摺

同治七年十一月二十三日

遵 旨酌保出力員弁紳團並陳防勦情形摺

同治

七年十一月二十三日

保潘駿文李宗岱片

同日

軍務告竣遵 旨入 覲片

同治七年十一月二十七日

回任謝 恩摺

同治八年三月初六日

估勘曲阜 文廟要工摺

同治八年四月二十九日

鼎軍索饗滋事摺

同治八年六月二十四日

黃河決口暫擬緩辦片

同日

遵查東省釐卡情形分別存留裁撤摺

同治八年七月二十八日

運防各軍擊敗竄匪跟蹤圍剿摺

同治七年六月二十九日

奏爲王心安等軍連日獲勝賊現由東北回竄東昌搶撲  
運防復經淮東防軍擊敗並現在各軍跟追圍剿情形恭  
摺仰祈

聖鑒事竊

臣於本月十六日謹將東軍會同各軍連日獲

勝並齊東黃防勇團擊退竄賊緣由具奏在案旋據王心  
安及管帶礮船遊擊楊長林先後稟稱賊前竄過徒駭河  
南岸時在於蒲臺利津兩縣境之姚家渡丁家渡等渡口  
窺伺皆經楊長林黃連元等會同防黃員弁然大礮斃  
賊甚多該逆一意搶撲大隊麕至河上搶取民圩門扇紮  
成木筏數隻放入河內拚死撲渡復經對岸團勇開放連

環槍礮適哨官蔡永清礮船駛至合力轟擊礮落如雨立將木筏悉數擊沈筏賊盡行淹斃岸賊始奪氣遁去十二日竄至齊東北岸爲張曜宋慶邀擊大勝潘鼎新亦自東攔勦獲捷王心安郭松林旋即追至聞賊被豫軍擊敗回竄即乘夜催隊速進至鄆家渡適賊正住宿聞官軍至即行遁竄王心安奮勇衝殺槍斃甚多擒賊三百餘名騾馬二百餘匹餘賊向正北竄走各軍隨即躡追十七日王心安追至吳橋境內聞前面劉松山吳長慶等夾勦正酣遂整隊從後前進賊之尾股驚潰當經追斬百餘名餘皆折往東南狂竄逆目謝德勝率百餘馬賊叩首乞降王心安即時收撫隨派弁解至臣營訊辦查賊至五月二十五日

以後迭經各軍痛勦大捷其能鬪悍賊殲戮殆盡僅餘逆眾四千餘人逸去已成困獸深恐死命竄渡以遂狡謀

臣

前於春夏黃水淺涸時曾節次抽調撫標暨充曹兩鎮各弁兵共二千四百八十五名給與征兵口分會同楊長林礮船專防黃河南岸嗣復遴委妥員分赴河岸督率各縣民團按段駐守尙慮河長兵少又札飭近河之高苑鄒平長山等縣各勸出團勇三五百人赴河干協同守衛久已一律到齊黃防悉臻穩固惟運河近日水勢雖深而河面過窄必須慎益加慎二十六日

臣

正往查運防忽探報賊

由高唐南竄已至魏家灣楊飛熊派參將李培榮帶勇過河伏田禾內俟賊前隊行進躍起奮擊擒斬數十名賊知

有備遂繞竄東昌城北八里橋臣當飛致淮皖各軍加意嚴防一面飭王正起於河橋上抽帶五成勇隊迎頭急擊以勦爲防賊見隊出卽走不敢近牆王正起追過破窰口李家營等處轟斃賊二百餘名生擒三四十名受傷之賊甚衆賊紛紛敗竄追奔三十餘里至李海務地方天色已晚暫行收隊是日潘鼎新一軍已跟蹤追至賊復於是夜三鼓後偷撲銘軍汛地周家店七級兩處河牆均經丁壽昌督勇擊退二十七日潘鼎新督隊前進有馬賊曹三子等三百餘騎乞降潘鼎新妥爲收撫並訊知賊竄東南余家集等處遂自帶大隊馳往勦擊該逆猝不及防紛紛遠竄潘鼎新追至沙河該逆數百人猛前迎戰我軍一擁齊

進斃賊甚衆賊始狂奔潘鼎新追殺四十餘里王正起亦帶隊東出截殺二十八日劉銘傳郭松林王心安與豫皖各軍均陸續追至分路兜勦臣惟此次張逆勢窮計窘率黨南竄窮奔兩日夜乘官軍落後向東昌一帶拚死撲運以圖生路又經防軍擊敗計不得逞仍竄回荏平東北所贖實不過二千餘騎現在各軍均各緊追正期四面合圍滅此殘寇臣已嚴飭王心安王正起隨同各軍竭力圍勦以冀卽日埽除至此次接仗陣亡之都司歐陽應發應請旨飭部優卹所有各軍連日逼勦暨運防各軍擊敗竄賊並圍勦各情形謹恭摺馳陳伏乞

皇太后

皇上聖鑒訓示謹

奏

擒逆全股邊平搜捕淨盡摺

同治七年七月初七日

奏爲擒逆全股邊平現仍飭各州縣暨各防軍嚴密搜捕務期淨盡暨查訊逆首張總愚下落情形恭摺仰祈

聖鑒事竊臣於二十九日謹將各軍會同掃蕩全股擒逆大概情形附片奏

聞復恐間有逸匪乘現在高粱滿地足以蔽目或隻身伏匿妄覲混迹偷生致滋他患當卽飛飭東軍暨各該地方州縣督飭紳團沿莊搜捕並札飭黃運防軍及委員等督團照常駐守嚴密稽查遇有形迹可疑必須澈底究詰務使餘匪逃不能逃藏無所藏以期淨絕根株近據王心安暨各牧令稟稱連日督同兵勇鄉團在荏平水套以內搜

出零星匿匪十數名在博平境內搜出匿匪三名現仍分

隊四出尋覓遠近悉無賊蹤所獲之匪均解至臣營經臣

再三詳訊張總愚實在下落俱供稱經官軍四面兜勦時

落水淹斃眾口一詞覈與王心安解來降匪百餘名供詞

無異臣以該匪等皆係從逆多年稔惡已久實屬罪無可

追遂悉卽在營正法以伸刑典而快人心又據德州商河

陵縣高唐平原等州縣稟報各境皆已安定遷徙鄉民漸

次來歸逐日督團搜拏匿匪並無蹤迹各等語臣查二十

八日之戰以數萬大兵圍勦數千殘寇又蹙諸兩河之間

四面泥淖逆騎陷不能出幸得全股聚殲逆首張總愚經

前敵初次飛報未及候查卽據情奏

聞期以上慰

聖懷嗣接王心安續稟查明該逆係落水淹斃等語伏思張逆淹死雖未撈獲尸身但據先後生擒逆黨供詞如一當此

皇威遠震氛祲全消節經各兵勇鄉團逐處窮搜必難倖逃

天罰頃欽奉

密諭令

臣

等加意嚴防不可稍涉大意益見

聖謨密運洞照無遺

臣

職任地方何敢以逆股旣平稍涉

疏懈惟當嚴飭慎密搜查不使一名漏網以靖地方並遵旨飭司遴委妥員分赴各州縣詳勘被擾輕重情形分別

顯懇

恩施以蘇民困所有近日捻股全清暨仍嚴飭搜查情形  
謹由驛五百里具奏伏乞

皇太后

皇上聖鑒訓示謹

奏

收降密察妥辦片

同治七年七月初七日

再臣於本月初五日欽奉

密諭飭將此次收降密察妥辦毋稍濡忍致滋後患等因跪讀之下仰見我

皇上審慮精詳無微不至欽服莫名查軍營收降藉以閒死黨而孤賊勢原爲辦理不可少之一法然實一時權宜之計未可恃爲久安也伏讀

諭旨此輩狼子野心當賊匪熾盛之時卽拚力抗拒官軍迨勦敗之後始行乞降以冀免死恐日久故態復萌爲患無窮

聖訓煌煌明燭幽隱亟宜敬謹遵辦臣維自帶兵勦賊以

來從不輕言收降而山東切近

畿疆尤不敢留桀驁反覆之徒夾雜其中以杜隱患此次  
飭派王心安王正起等軍追勦賊匪每切囑其毋易招降  
設有自願乞降者亦必於收撫後押解臣營訊辦故王心  
安等軍所收降衆通計不過三百餘人均隨時押解來營  
臣委員逐一研訊以從賊之久暫定該匪之去留如訊其  
從逆在上年十二月賊竄山西以後而又係山西直隸及  
河南之河北三府山東之濟武兩府屬者但查無兇暴形  
狀均作爲脅從訊明籍貫立飭地方官遞解原籍約束如  
訊其從逆在上年十二月以前而又係江南湖北河南及  
山東之曹沂各屬者實係老賊決不可留卽分隸各營暗

予誅戮通計降衆遞解回籍者七十餘人正法者二百數十人既不露殺降之形亦不阻來歸之路現在東軍各營中實在無一降衆致滋後慮堪以仰紓

宸廑至各路軍營收降雖多該大臣督撫當能懷遵明諭妥爲辦理必不致貽患將來也所有東省辦理收降及東軍各營現無降衆各緣由謹附片密陳伏乞

聖鑒訓示謹

奏

賞加

宮銜謝

恩摺

同治七年七月十九日

奏爲恭謝

天恩仰祈

聖鑒事竊

臣在營恭閱邸報同治七年七月初十日奉

上諭丁寶楨著賞加太子少保銜並交部照一等軍功議敘欽此伏讀之下感悚難名當卽恭設香案望

闕叩頭謝

恩訖伏念

臣忝任疆圻治軍無狀去今兩歲捻逆竄擾東

境地方蹂躪

臣不能卽圖殄滅以致調兵籌餉時廛

宵旰之憂勤上負

國而下負民罪戾滋重幸賴

聖謨宏遠

誥誠周詳內外臣工得所稟承將士同仇敵愾俾妖氛之

全掃慶海宇之永清

臣獲際

昇平倖免譴責已爲至幸乃荷

宮銜之寵儕諸保傅之班聞

命自

天抱慙無地現在寇事初平兵燹甫靖民生因而愈蹙吏  
術浸以多疏其一切善後各事宜在在均關緊要

臣惟有

益矢勤慎倍切綢繆殫竭愚誠力圖補救以冀仰酬

高厚鴻慈於萬一所有

微臣

感激下忱謹恭摺叩謝

天恩伏乞

皇太后

皇上聖鑒謹

奏

酌留兵勇分別遣留馬隊摺

同治七年七月二十一

奏爲遵籌酌留兵勇以資鎮撫並擬分別遣留吉林黑龍江馬隊各情形恭摺仰祈

聖鑒事竊

臣於七月初八日欽奉

諭旨東豫兩省應如何酌留兵勇鎮撫地方之處並著丁寶楨李鶴年一併妥籌奏明辦理等因欽此跪誦之下仰見我

皇上宸謨廣運綏靖疆圻不勝欽服竊查東省自咸豐八年後時有捻匪之患頻年防勦竭蹶不遑去歲及今任賴張逆相繼東竄賊勢披猖饑日絀而兵日增辦理益形棘手幸賴

天威遠震

廟略遐宣逆股以次削平中原從茲底定然東省之民力亦自此竭矣爲今日目前之計首在於紆民力欲紆民力則在於節饒需欲節饒需則在於裁兵勇蓋籌兵必先籌饒東省兵饒專恃地丁非若他省之尙有釐金捐輸可資挹注也臣自逆匪盪平後卽將撤留事宜通盤默計凡省防調募之省標剛毅各兵勇與調防黃河之曹州濮范壽張東昌營兵及德州臨清范縣各屬招募之勇均飭令酌行裁撤此外前敵各勇營以積欠過多尙須逐漸清釐始能遣散第其中實有不能不酌留者緣東省武定東昌臨清三府州與直境毗連素爲鹽梟教匪出沒之所而曹沂

兩屬接壤豫徐又爲幅匪長槍會匪所伏匿數年以來經  
臣隨時勦辦漸就安謐當此巨寇初平若無勇兵稍爲鎮  
壓恐人心浮動難免奸民煽惑之虞臣再四思維擬將東  
軍各營於月餘內漸次清撤酌留七八千人分駐於武東  
曹沂各屬藉資鎮撫仍隨時查看情形如地方日久相安  
尙可以次遞遣至前雇募吉林黑龍江丹丁馬隊除去歲  
沿途病故逃失外本年正月內已將疲弱者遣回五百數  
十名派赴直隸隨勦共一千五百名隨同臣營防勦共九  
百餘名其中派赴直省之隊從前欽奉

諭旨飭交春壽統帶歸左宗棠調遣尙在連鎮一帶臣以  
該隊自派出後久未接其稟報其歷次打仗丹丁陣亡病

故遺失多寡未能深悉本擬派員前往點驗以昭覈實並分別撤留稍節饗需適於七月十三日欽奉

諭旨山東所調西丹馬隊著丁寶楨檄令該都統等分別覈實造冊將各隊管帶回京暫駐南苑聽候神機營調撥欽此因飭委員卽日馳赴連鎮一路會同侍衛春山參領莫爾賡額等點驗造冊呈送以憑咨明左宗棠等遵辦惟該丹丁等冒暑追勦疲乏必多若概令回京終恐無濟

臣

擬俟點驗後如實係疲弱之丁卽籌給川資令就近由天津回籍路程旣免奔馳經費亦稍節省其精壯各丁仍遵旨飭令帶赴南苑暫駐聽候神機營調撥愚昧之見謹候訓示飭遵至隨同

臣營防勦之九百餘名日事追勦尙屬

出力近以不慣伏暑多生奇病茲因捻逆旣平該丹丁等遠道思歸泣求遣撤

臣

察其情形可憫已於未奉

諭旨以前爲之算清口分籌給川資於本月十五六日分起遣回令侍衛那斯琿等管帶前往想該丁等數千里從征事竣之後以多病力求凱撤必蒙

聖慈矜恤也東省餘匪前經嚴飭各州縣會同派出各軍竭力窮搜近據稟報各地方均已一律肅清

臣

又派委候

補知府焦宗良帶隊分路督查亦據報並無匪蹤各路官軍現俱次第撤回原省

臣

復劄飭東省各州縣於各軍撤

竣後再行分路搜查驅拏游勇嚴緝土棍以冀久安所幸東軍尙無降衆但得各軍安靖撤竣地方卽可無事

臣

現

因各營積欠口分甚多且有查災籌賑各事亦必須與藩司悉心商酌次第趕辦冀免稽延卽各軍撤回大河以南亦須鎮撫臣已將東昌濟南臨清應辦各事飭令東昌府知府程繩武臨清州知州陶紹緒會同王正起等妥爲辦理臣於拜摺後卽行起程回省籌辦善後一切容後再行奏

聞所有遵籌酌留兵勇鎮撫地方及擬分別遣留吉江丹丁各緣由謹恭摺由驛具陳伏乞

皇太后

皇上聖鑒訓示謹

奏

籌辦善後情形摺

同治七年八月二十一日

奏爲遵

旨分別遣留吉林黑龍江丹丁及酌裁各營勇隊以節餉  
精並籌辦善後情形恭摺仰祈

聖鑒事竊

臣

於七月二十一日在東昌行營將酌留兵勇

鎮撫地方及回省籌辦善後各情馳報在案

臣

拜摺之後

卽日起程取道張秋沿途察看各軍撤赴南岸之勇分由  
各口陸續渡河尙無滋擾間有一二逗遛落後散勇亦均  
飭令派出員弁隨時驅拏近日道路亦漸肅清復諄飭沿  
河地方官及各派出之文武員弁認真彈壓稽查不任鬆  
懈二十三日抵省後接見藩司將清釐各營欠餉並辦災

籌賑各事通盤覈計司庫實屬支絀異常亟以裁汰兵勇  
最爲先務而裁勇必須清餼則目前需用較多臣於運庫  
糧道庫海關常稅各項多方挪湊始能辦理就緒旋奉七  
月二十五日寄

諭吉林黑龍江丹丁馬隊其派赴直隸一千五百名中有  
疲弱者令就近由天津回籍其精壯丹丁令分隊起程前  
赴南苑至隨同防勦之丹丁九百餘名著給資遣回等因  
欽此仰見

聖主垂念丹丁曲加體恤之意伏查東省派赴直隸之吉  
林丹丁一千名黑龍江丹丁五百名前此助勦尙稱得力  
現在賊蹤蕩盡該丹丁道里最遠自應先爲凱撤俾得及

早回旗

臣

於派員前往點驗卽諄飭挑留丹丁務須覈實

惟在精壯無取充數復經節次飭催從速具報茲據該委  
員稟報前項丹丁內佐領訥蘇肯管帶之吉林三四起現  
存官兵四百三十八員名本歸陝甘督臣左宗棠調遣現  
經左宗棠挑出官兵三百十五員名帶往西征八月以後  
饟銀無須山東撥解餘一百二十三員名應行遣撤侍衛  
春山管帶之吉林頭二起現存官兵四百二十四員名協  
領莫爾廣額管帶之黑龍江五六起現存官兵四百十六  
員名向均歸將軍都興阿調遣該隊現駐瓢河地方經委  
員逐加點驗春山隊內應遣撤疲弱二百四十三員名計  
挑出精壯二百十六員名莫爾廣額所部因在直東交界

接仗受傷較多調理亦尙未愈其餘亦多疲乏可留實屬無幾擬請一併遣撤等情臣查此項吉林丹丁除左宗棠挑留三百餘名外僅挑出精壯官兵二百十六員名應令前赴南苑聽候神機營調遣其黑龍江丹丁旣多受傷疲乏應准全數遣撤以節餼需當經飛飭該委員將挑出官兵二百餘名口分發至九月底止仍交春山管帶由行營卽日起程前赴南苑聽調嗣接准神機營來咨以撥留之隊仍應預放足兩月口分以符原案如該隊尙在東省應由臣就近支給儻已經啟程所有未發餼銀從速委員解京以資散放等語復經飛飭該委員等遵照於丹丁啟程之日起覈明預放足兩月口糧俾免兩歧至應行遣撤丹

丁共七百八十二員名查照成案吉林發給四十日川資  
黑龍江發給六十日川資因莫爾賡額前次打仗受傷未  
愈尙須調養已飭令佐領薩英阿等妥爲管帶回旗並咨  
行沿途經過地方妥爲照料以示體恤至該官兵追剿數  
月屢立戰功莫爾賡額一隊傷亡頗衆容臣歸入肅清案  
內分別奏請獎卹至東省各勇隊頻年因攻剿喫緊防地  
繇長所有東治振字紳字紹字吉勝常武健武武勝馬步  
各軍先後增至五十餘營需餵浩繁東省實已筋疲力盡  
今幸大功告成亟應次第裁撤以求撙節臣自八月十六  
日起陸續撤去三十八營現在尙留二十營以資分布鎮  
壓其利捷水師各營亦經裁撤因本年黃水泛溢濮范水

套向不安靜必須彈壓臣酌留礮船二十隻令其前赴該處梭巡俾免奸匪溷匿句聚難民致生他事至所留各營仍當隨時察看情形如地方日就靜謐再行酌撤總期無分毫糜費以濟

國用其以前裁撤各營均將前欠積饟概行發清嚴飭各統領責成營哨各官凡籍隸外省勇丁各令帶回本籍沿途妥爲約束其本省之人皆令回籍各歸本業並通行各州縣嚴飭各鄉牌甲於當勇回歸者無論農工商賈務令仍復原業毋令游手好閒別滋流弊如有行蹤詭秘隨時加以懲治以期消患未然現查所撤之勇俱各踴躍歸家並無停留滋擾之事臣復派員四處稽查用期周密至存

留各營因河北情形甫經平定人心尙覺浮動仍令王心安劉時霖等分紮東昌臨清各屬王正起分紮濟武各屬莫組紳分紮武定各屬以爲彈壓土匪鹽梟驅拏游勇之用至濟甯一帶現有藩司潘鼎新所部移紮該處俟該軍將來酌定撤留後臣再當酌勻一二營前往分駐藉資鎮壓現據河北各州縣稟報地方並無餘匪伏匿各路客軍將次撤盡民間漸可安居臣仍嚴飭該地方官加意撫循不容稍涉含混此外善後各事宜亦卽分別查明次第覈辦所有續行遣留吉江丹丁及籌辦善後各緣由謹恭摺由驛具奏伏乞

皇太后

皇上聖鑒訓示謹

奏

吏治需才敬舉所知摺

同治七年八月二十一日

奏爲吏治需才敬舉所知以備

採擇而資任使恭摺仰祈

聖鑒事竊

臣恭讀

上諭現任各官內實清靜不擾佃幅無華者並著臚列事蹟據實保奏聽候簡用其伏處之士潛修力行堪膺循良之選者亦准一體保薦以期政平訟理吏治蒸蒸日上有厚望焉欽此仰見我

皇上殷勤望治求賢若渴之至意下懷欽服莫可名言伏維以人事

君人臣之義現值軍事粗定所恃以挽回風氣奠安疆圉

者舍吏治其奚屬蓋吏治者治安之本原也吏治不修匪特貪戾驕淫之輩其召亂最速卽粉飾欺朦之習其釀患尤深民生蹙矣而暗事賧削盜賊紛矣而巧爲彌縫度支竭矣而陰圖侵蝕禍之所生其來有漸察之不可不密防之不可不豫也顧吏治在於得人而人才實難共信彼貌爲誠篤心存巧詐外託廉能內懷貪鄙者無論矣往往有一二可取之人或一官而始終改行或遷地而前後異轍習俗易移性情莫定審察稍有失實僞似卽可亂真臣荷天恩由臬藩洊陟巡撫均有察吏之責深維求治以任賢爲急故於通省道府州縣中現任候補各員與夫伏處潛修之士凡一切居心行事苟異於人者卽爲刻意審試見

聞所及考核必精數年以來僅得鹽運使銜充沂曹濟道  
長賡鹽運使銜候補知府惠慶知府用候補知州張廷揚  
直隸州用德州知州趙新候選知縣薛福保五人確見其  
心地才識迥越尋常卓然可以大受臣不敢壅於上  
聞謹據實密陳以供

採擇伏乞

皇太后

皇上聖鑒訓示謹

奏

通籌陝甘滇黔用兵情形摺

同治七年九月十一日

奏爲通籌陝甘滇黔用兵情形暨歷陳黔省勦辦各事宜  
敬抒管見恭摺具奏仰祈

聖鑒事竊惟用兵之道莫要於審地利地利審矣乃可以  
察敵情敵情悉矣乃可以謀防勦而所以盡防勦之力者  
則在於足餽精所以收防勦之功者則尤在於擇人而善  
任方今捻逆就平中原無事兵力餽力至此綽乎有餘而  
陝甘滇黔之患尙未有已兵法乘時此誠不可失也獨是  
陝甘滇黔之用兵其地利賊情與夫防勦之機宜各有不  
同卽其餽精之有無緩急亦各有不同惟得人善任則四  
省皆無二致

臣謹爲我

皇太后

皇上縷悉陳之查陝甘形勝西北有邊牆之蔽東南有黃河之阻山則殽函秦隴終南鳥鼠之峻縣亘乎其內水則涇渭洛汭大通臨洮之派滌帶乎其中外被險阻內包原隰步可以扼馬可以騁惟其所向無不適用滇則無長江大河之險而有崇山複嶺之奇少平原廣野之區而多川澮溝塍之限利於步而不利於馬然以萬人之衆列陣交綏尙可臨機分合指揮自如也至於黔則重岡疊嶂峭壁層巖途徑之盤折崎嶇樹林之蒙密陰翳一旅之率成列而行彼此聲息閒不相通若以數千之師魚麗前進則首尾隔絕前有敵而後不及知後有警而前不及救地利之

險以黔爲最其大較也臣就四省之形勢計之竊以爲陝甘用兵似宜慎固陝疆而趨重甘境昔張良論關中謂其阻三面以制一面此言其足以控制天下也而就陝以控馭甘省亦爲掎吭之道滇則因地制敵惟能精於審勢斯隨處可以得機黔則必自東南而下趨西北先據建瓴之勢乃圖枝枝節節而埽除之此陝甘滇黔地利之大略也至於陝甘之賊不合漢民全係回衆其氣類甚固其心志甚齊現在回逆情形大率以甘爲逋逃之藪而以陝爲劫掠之場蓋甘地本瘠苦刻下耕種失時無所得食陝屬腹地沃野千里賊至則避賊去則耕回逆麇聚於甘亦其窟穴所在不得不然其心實未嘗一日忘陝也今日官兵入

陝則賊必退入甘及官兵入甘則賊必乘間而復及於陝此必至之勢無足怪者滇賊亦係回衆其始也回叛而漢民與之爲仇今則漢民以勢力不敵亦多附之現該逆盤踞於大理永昌各府而以餘力四出剽掠蓄銳養精以圖蠶食又要結漢民交通貿易財貨不缺近聞迤西一帶重關疊卡道路塞絕其意殆自處於可進可退之勢而示我以不能進不能退之形用心積慮較之陝甘回匪尤爲狡黠黔賊則分苗教兩匪而匪之所踞又各分上下游上游則係教匪下游概屬苗匪苗逆人衆而心齊又善槍法好戰鬪教匪之衆不如苗其强悍亦遠不及苗故教匪每恃苗匪以爲援而苗匪卽樂得因教匪以爲利顧其中有不

同者苗人多畫疆自守且性疑多貪其助教匪也得利卽去勝敗絕不相顧其易制之道在此教匪無大伎倆特資峒抗拒事緩則劫掠爲能事急則借苗自固使官兵分攻苗匪則力有不能專攻教匪則爲苗所牽制是以苗教合而黔事益形棘手也臣就四省之賊情計之竊以爲辦陝甘之賊須先清陝境使甘賊不得復入陝而以全力悉注於甘彼不得入陝則無食可掠飢必自潰我因其敝而以全力赴之必獲大捷回勢雖衆但能迭加懲創其氣亦衰氣衰而辦理必得手至若滇賊則割據已久布置素定爲今之計務宜厚集兵力先將迤東迤南各府固守完密使漢民心有所恃猖匪無所用其恐脅然後兵民合力分道

並進使其備多而力分人懷疑懼再爲設法招致附回之漢民內外相應力破其一二堅城則賊衆自懈待其旣懈而窮治之該逆之在滇者旣無部落之可聚又無句結之可圖彼時入我牢籠俯首聽命收功固易也若黔賊則急於先清教匪而苗匪在所緩圖蓋苗匪本黔省土著種類極盛且其地阻山距河攻之甚難徒費時日教匪係屬內奸負險嘯聚借援苗匪以蹂躪於上游五府之中剝我精華牽我兵力若能挾建瓴之勢自上及下步步爲營多立偵探誘之以戰彼若出戰則設伏出奇以制之彼不得利必仍據險我卽擇其所據之最險者破其數處則望風歸降隨手可得教匪已定然後會合兵力四路分進以圖

苗疆彼苗人性多疑忌疑則易惑忌則易散但能多方牽制攻此一寨而使各寨皆不得以相援又復陰結各寨中之良苗誘之以利懼之以威俾其自爲猜疑互相攻擊官兵因而乘之不一二年亦可得手此陝甘滇黔敵情之大概也若夫防勦之方則在於隨機制宜初無一定之局大抵制賊之法勦爲上計而防乃以濟勦之窮故賊勢多則可勦之使少賊勢強則可勦之使弱賊勢敗則可勦之使平若不言勦而專言防則我有師老饟竭之憂而賊反得乘閒肆擾之利甚非計之得也然防勦亦有必相輔而行者顧其審勢何如耳臣就四省之防勦計之竊以爲辦陝甘之賊宜防與勦並籌蓋回部切近甘省其歸宿之地在

甘而其謀生之資在陝惟有分兵以防陝絕其竄擾之路使陝之民生日復皆得積糧以供轉輸庶官軍得以盡力勦甘陝防旣周而勦甘之軍又復隨在可以蔽陝則賊之在甘者不能竄陝必至飢不得食官軍乃急起而乘其敝其初逆必死戰數戰不利必自潰潰則可驅之使出關俟其出關然後合防陝之兵併力以防甘內爲屯田之謀外設控制之略西陲之事辦理似不外此至滇省之回本無巢穴此時所占踞者皆漢民之境土非其種類素所聚集之區也回逆踞漢民之境土以攻漢民始則劫殺以迫之繼則要結以誘之現在迤西回漢雜處民賊不分用兵之法宜於銳進官兵進一步則賊必退一步賊退一步則附

從之漢民亦卽退出一步故辦理滇賊有勦而無防其所  
謂防者皆未熟審夫滇匪之情形者也黔省苗教各自爲  
界然其據險抗拒同出一轍第苗衆負險而不常出險教  
匪雖恃險而迄無定處故辦理黔賊賊皆恃險則防無可  
防賊有險而又不盡處險則防不勝防計維有卽勦卽防  
斯隨在皆可以得利此陝甘滇黔防勦之大略也至於糧  
餉兩端實爲四省目前第一要務近日四省兵事厯辦而  
迄無成效非兵力之弱也亦非士卒之不用命也其病在  
於無糧無餉耳陝甘與滇事臣未得親身黔賊則曾經勦  
辦溯當日辦理之時兵勇口糧每俟六十餘日而後領銀  
三四錢其將領亦必俟六十餘日而後關銀一二兩飢疲

之態實不堪言狀然每遇大敵兵勇輒忍飢衝鋒略無退志稍有違令必按軍法而士卒毫無怨懟以此見兵勇之尙可用徒以糧饟俱無當事者動多掣肘無可如何耳然陝甘患不在無饒而在無糧滇黔患不在無糧而在無饒年來甘省每麥一觔闔須制錢一百數十文尙無處購覓計其軍食皆運自川陝而其間又爲舟車所不通運費鉅而轉輸少士卒飢疲日甚一日誠堪矜憫軍事之無起色者職此之故滇則漢回交通後耕種不失糧米尙豐而官軍乏錢交易亦難期飽食黔則軍興已十五年刀兵飢疫民生死殆盡今則地廣人稀食尙無虞不足惟兵勇皆孑然一身近日聞恃穀捐稍資接濟然穀捐無幾以供兵

食不足一日之飽而農民於兵燹之餘終歲辛勤所得不  
及其半痛苦更深恐終不能持久夫以陝甘滇黔之士卒  
頻年枵腹荷戈卒不至譁潰告警者實皆我

國家厚德深仁人人者深故邊徼將士亦皆知忠義樂効  
死無稍異心若再加以糧饟充足辦理必有把握也雖然  
糧饟不繼固不足以謀防勦而今日之糧饟非寬然取諸  
左藏也地丁關稅而外釐金捐輸無非意外生財涓滴皆  
膏脂所積若糧饟既足而兵不得用其病尤甚於無糧無  
饟是必在將帥得人於支用經費招養兵勇之中寓核實  
撙節之意然後不涉虛耗可收飽騰之益現時陝甘軍事  
左宗棠久歷行陣機宜素悉異日自有設施滇事則現任

督臣劉嶽昭亦熟於戰陣岑毓英宋延春諸人又皆久於滇省練習情形且滇事壞在迤西非同全省糜爛也以劉嶽昭諸臣同心協力而又有完善之區爲之憑藉當不至漫無施展黔省被害最深目前情形除苗教兩匪不計外所餘居民不過什之二三耳現署撫臣曾璧光品詣清正足資坐鎮然以闔省殘破之局撐撐於一人實屬兼顧不遑計非有與爲分任者黔事終難振作黔事旣壞而賊萬不能株守一隅以自斃也必將西擾川南擾楚匪特此也川楚之無賴匪徒又復羣相附和其始也由黔而害及川楚其繼也必由川楚而害及西南涓滴不塞流爲江河况黔之賊非僅涓滴乎及今不治後更無及不待智者而知

矣然說者謂現在川楚皆有兵援黔未始非分任其責不知今日川楚派赴之兵皆其將領帶兵前往非本省大帥爲之親歷督率也又非有明白

諭旨歸貴州巡撫節制調遣也其戰守任其自爲其進退爲其所便本省大帥僅據稟牘爲調度貴州巡撫且以客軍相周旋此而欲望兵事之日順難矣夫用兵之道惟事權專而後將令一將令一而後調度靈調度靈而後事機順古未有將多權分而能辦賊者也臣細察川楚援黔之兵其兵勇未嘗不精強其將領未嘗不明幹徒以軍無統率或彼此不相知會或意見稍有參差或布置不能畫一數者有一卽難成功臣愚以爲欲辦黔事則須遴選威望

夙著勇略兼備之大員予以不次之擢責以督辦之任使其權歸一是無敢掣肘而又爲之寬備糧饟使之得以專力行閒庶幾呼吸靈通指臂相應第黔事極壞貧苦異常人人視爲畏途非真能耐勞苦之人亦不足以經久臣數年來帶兵與各省將領相遇最多而私心所竊佩者惟有淮軍統領直隸提督劉銘傳治軍嚴整謀勇素裕且能勤恤民隱尤爲難得獨其性情過於伉直稍不合時然辦大事固不可以小節拘也今黔事敗壞極矣譬之疾病元氣將脫不治則必死治之而稍不得其法亦必死伏惟聖明採擇可否予劉銘傳以督辦貴州軍務之任一切聽其布置責以成效不准推諉該提督慷慨任事且受

恩過重必當竭忠盡力以期無玷身名而報不世之

知遇也惟既責以辦賊必預籌其糧饟務使月月接濟不至有名無實乃可以督其有成現在淮軍議撤江南釐金寬然有餘臣愚以爲劉銘傳辦理黔事即可令帶其舊部一萬一千餘人前往再令李鴻章於淮軍中得力各勇抽出一萬四千人歸其統帶計二萬五千人亦足以制賊第約二萬五千人之饟再加以雜支各項每月必需銀十五萬兩乃可不至短絀此項銀兩應請

飭下兩江督臣馬新貽於釐金項下按月抽撥委解不准短少至劉銘傳到黔之後凡川楚援黔之兵均歸調遣以一事權如此則將帥得人士馬得力先清教匪而後及於

苗匪臣料黔事不過一年必可奏效臣黔人也非敢有私於黔亦以黔省闔境生靈蕩然將盡不一援手必至靡有子遺且黔事去而川楚受無窮之害川楚受害而天下亦將騷動災近剝膚憂心如炙是以不揣冒昧不敢不瀝陳於

聖主之前者也抑臣猶有說者勦辦陝甘滇黔之賊均利用勦惟陝甘回匪則兼用防然防陝境而勦甘境則防亦在勦之後是勦誠爲目前用兵定局然陝甘之回黔之苗皆有巢穴可歸有部落可附惟滇匪與黔教無一定之巢無種類之聚到處裹脅到處剽掠情同髮捻臣愚以爲辦理甘回黔苗之法勦之外仍須善用撫非撫不足以窮勦

之變非撫亦不足以收勦之功特所謂撫者須彼來就撫不可我先注意於撫若先注意於撫而滇之回屢撫而屢叛甘之回今日撫而明日叛甚至有卽撫而卽叛者前事具在不可不鑒也至於滇之回黔之教其攻據城池依附山寨也似髮逆卽可以制髮逆之法制之四路進攻隨遇隨勦則彼之伎倆立窮其走而不守四處焚掠也似捻匪卽可以制捻匪之法制之分兵兜勦不令休息則彼之伎倆亦窮且捻匪有馬可以馳驟故其收功必先圍而後勦滇回黔教其地利不宜於馬其人情不善乘馬以步賊而仿流賊之意其圍勦也更易此又宜併力於勦但能節節穩進多出偵探四面設伏則彼無巢可歸無種可聚數敗

之後無所逃命直可以聚而殲之又不可以撫而留餘患  
且以懈我軍心此固在辦事各大臣督撫等臨事酌宜未  
能一一預爲定局矣臣知識淺陋深幸軍事粗定兵饟皆  
可騰挪惟陝甘滇黔之事上塵

宸衷而黔事尤糜爛破敗至於不可救藥誠恐將來潰決  
四出又將貽禍無窮用特貢其一得之愚敬獻芻蕘以冀  
仰助

高深於萬一是否有當謹恭摺冒昧具奏伏乞

皇太后

皇上聖鑒訓示施行謹

奏

選練登鎮槍隊及海口情形摺

同治七年九月十一日

奏爲飭揀登鎮標兵教練槍隊並現在海口大概情形恭摺仰祈

聖鑒事竊

臣

接准總理各國事務衙門來咨現在奏派天

津槍隊一營由海道前來山東煙臺駐紮並在登州鎮各標營內揀選精壯兵丁五六百名隨同教練等因當卽咨行登鎮遵照慎選年少兵丁遴派得力將弁聽候調用並因揀選標兵槍隊東省事屬創始所有營制饗項調度賞罰各事必須妥爲籌畫經

臣

酌擬章程數條咨商三口通

商大臣崇厚公同酌議再行會奏並札飭升任運司前登萊青道潘蔚新任登萊青道劉達善一併妥議去後茲准

崇厚來咨現派署通永鎮總兵春霖統帶左營槍隊官兵  
五百三十六員名並添撥礮車六輛礮隊官兵六十七員  
名於八月十七日據報起程所有口糧等項均發至九月  
十五日止以後饒乾卽在東海關洋稅項下照章接支並  
據登州鎮總兵陳擇輔咨報已在該鎮所屬水陸十二營  
內抽撥年少精壯誠實兵丁五百名飭派署右營都司孟  
華南管帶前往聽調各等因除教練一切事宜統俟槍隊  
行抵煙臺後由該司道等妥議稟覆自當飭令認真操防  
以期實效至近日甯海各處有洋人試挖金礦情事臣前  
接准總理衙門來咨卽經飛飭該地方官妥速查禁並委  
員密往查勘深恐內地奸民與之勾結復將開礦聚眾貽

害閭閻各情剴切出示曉諭嗣據各地方官及委員稟覆  
從前曾有廣東人與之勾結一聞查禁業已遠颺現在祇  
有洋人三五成羣試挖數處實無內地民人隨同開採情  
事所有辦理情形均經隨時咨明總理衙門查照在案伏  
查洋人游歷原係載明條約而開礦爲中國嚴禁之事卽  
偶爾挖試亦非游歷所應爲乃各領事官則誘爲外國所  
常有歷次照會辦理詞多含混並不認真諭禁其試挖之  
洋人又皆恃言語不通無從究其來歷現計結伴人數此  
往彼來挖沙地方朝更暮改且有支立帳棚旗幟等事不  
免駭人聽聞均經札飭該州縣及登萊青道設法驅禁不  
任日久逗遛臣微窺該夷之意現在雖未顯然開挖然到

處試採多方煽惑誠恐試準礦苗最旺之處一旦聚集多人公然開採遂成難禁之勢阻之則弊端卽起聽之則勢必不能臣責任地方杞憂殊切現惟嚴飭道府州縣等官於洋人所到之處親往防範設法理論勢禁不令得逞其技尤以嚴禁內地民人不准與之交通來往以孤其勢使彼無所勾結貪心或可漸泯臣於此事固不敢稍涉孟浪然使該夷或違約負強亦未便任其廣集致滋隱患除以後情形竭力妥籌辦理外謹將揀練標兵及海口現在大概情形恭摺由驛四百里具陳伏乞

皇太后

皇上聖鑒訓示謹

奏

籌議東省運河並折漕窒礙各情摺

同治七年九月二十八日

奏爲體察東省張秋以北運河雖加挑濬仍恐無濟並各屬漕糧議令折解於將來復運亦多窒礙各情妥爲籌議恭摺具陳仰祈

聖鑒事竊

臣

接准戶部來咨附奏湖廣江皖東豫等省本

屆漕糧酌擬辦理一片同治七年八月二十四日奉

旨依議欽此欽遵轉行酌擬辦理等因查原奏內開山東一省漕糧厯年起運本色例應於每年春閒挽抵津次乃近年遲至冬閒尙未全行抵壩即使運河偶有淺阻亦不應遲延若此至徵收漕糧曾經升任撫臣譚廷襄於咸豐十一年閒據實陳明並經酌定章程每石折納制錢六千

文以四千五百文專辦漕米起運以一千五百文提作團勇經費是東省各屬漕糧本係州縣買米交幫者多所有該省本屆漕糧果能確遵定例於來歲春閒卽行全數運通並如數起運不得藉端截留卽令率由舊章仍運本色如一時尚無把握有必須暫行變通之處亦卽由該撫臣奏明辦理溯查同治五年二月閒督臣李鴻章漕臣吳棠等先後具奏理漕先須理河各摺內述及東省河道情形並一切濬築事宜極爲詳切祇以頻年軍務未平未及舉辦果以東省漕折之盈餘作濬築運河之經費將折徵在一時而其利可期永久該撫臣現值凱撤於該省漕河事宜正可從容籌畫究應如何辦理之處應令該撫臣悉心

酌擬奏請核議施行等語

臣

伏思漕河兩端實爲

國家大計近者形勢變遷皆以軍務未定變通辦理未復舊規現在中原肅清亟應各就本地機宜妥籌酌辦豈容再涉遷就惟經漕必先利運利運必先治河東省漕務之疲累其故悉由於運道而運道之梗阻其患盡在於黃河河之病運以病漕實爲今日一大變局昔人云黃河者運河之賊又云治漕以不用黃河爲上策臣於此時目擊情形益深信之現在欲治運河之弊非但難於計出萬全卽補救亦殊無善策敬將目前實在情形爲我

皇太后

皇上備陳之伏查東省運河以汶爲源自南旺分受汶水

南流由濟充匯泖泗諸水以達江南之楊莊北流至臨清合漳衛諸水以達直沽海口沿運兩岸復有諸湖瀦蓄山泉陂水以資濟運從前黃水安瀾漕艘經行來時無阻回則不免有守候之慮自咸豐五年河決豫省蘭儀漫水下注由直境之長開東境之濮范一帶至張秋穿運入大清河挾汶東趨汶水不能穿黃北達故張秋至臨清二百四十里之運河惟恃黃河分流灌注河水渾濁日漸淤墊二三年後秋冬水涸之際此段河身竟致斷流然河身雖淤尙不大礙所難者在進水之口門耳查由黃入運口門前此爲南壩頭曾經逐年挑濬每次需銀萬餘兩及數千兩不等然上年甫挑之工次年經水其淤更甚仍須再挑議

者謂將口門加挑寬深則進水必暢不知該處爲黃水經臨之道若一律挑深誠恐奪溜北移則東昌德州河閒至京必受其患卽或幸不奪溜而黃水挾沙而行沙隨水入水去沙留多受一分之水仍多受一分之淤且洪水初至皆係條長條消每消一次卽有新淤必須大汛經臨始能暢注如同治四年漕臣吳棠採買試運米石及五年起運江北漕糧數僅三四萬石於運抵張秋迤南之沈家口守候多日直至汎水大漲始能渡黃入運兩年以來黃水溜勢更變南壩頭現已淤高丈餘入運之處改至下游之八里廟本年湖廣督臣李鴻章檄調長江水師破船赴直東運河防勦先期派營將八里廟口門趕緊挑挖四月間已

能進水時值桃汛初漲浮送礮船數十隻旋因水勢一落  
新挑之工又復淤淺所有續調師船均停泊黃河以內不  
得入運雖以混江龍梳刷亦未能得力直至六月初伏汛  
大至乃能運檣直抵滄德一帶及六月杪賊平之後師船  
趕卽南旋而水勢已落免強拖淺甫能出運不過旬日又  
已斷流是卽旋挑旋淤之明證蓋黃水原不可以濟運卽  
不得已而借黃以濟必須有清水會合同行稍資蕩滌受  
淤較輕再加以隨時疏濬尙可補救今張秋至臨清二百  
餘里清水涓滴不至亦別無來源可引僅恃黃流漲洩以  
淺窄之河行渾濁之水又有閘座重重鈐束停淤倍速然  
此第就口門施工而言若將河身亦議挑挖前此亦曾擇

要勘估已需銀十餘萬兩若一律普挑非二三十萬不辦然亦不過初挑之年稍覺順利次年經水仍復淤墊如故是以數十萬工需同於虛擲殊爲可惜至口門築做草壩以爲束溜蓄水之計此爲內河有水外出始屬相宜今張秋全恃外水灌入已慮水勢平緩如更增壩攔護祇益助其挂淤不能蚤以行溜故李鴻章吳棠亦云此處別無來源與南河情形稍異也就現時而論如果江廣各省漕糧實能定局起運但因運道阻滯致有遲疑則

京倉爲根本至計卽多費銀數萬兩誠所不惜現計自臺莊入境至沈口穿運之處雖隄岸間有殘缺長河間有淤淺商民船隻亦不似從前軍船之笨重儘可挽運無阻惟

有渡黃入運之處必須守候汎水乃能暢行蓋該處爲大溜經行縱使有力挑挖深淺之間殊無把握臣以爲暫可仍照歷年辦理情形隨時挑濬使糧艘到時尙不至過於延誤所有鉅欸留爲異日一勞永逸之用庶期核實此張秋以北運河現雖挑濬仍恐無濟之實在情形也至東省各屬漕運向係春閒一律開幫近年遲至冬初尙未全數抵壩節經臣督飭糧道嚴催總難迅速查東省收漕向分閘內閘外閘外距水次較遠閒改折色閘內距水次較近概收本色雖經前撫臣譚廷襄奏明折徵以後至今因仍不改近以運河絕流不能起運閘內閘外皆於收米之後另行赴德買米交幫州縣甚苦其繁費蓋買米之時旣須

賤售存米以易民間貴價之銀交幫之時又須賤賣現銀以買水次貴價之米既受刁難又多損折至起運本色者多用車腳一切更形糜費辦理遲緩職此之由至改收折色每石以一千五百文提作團勇經費之議當時以辦理拮据並未舉行同治三年撫臣閻敬銘以事多窒礙請刪除團勇經費空名一概歸州縣作為辦漕公用經部臣議奏覆准在案年來銀價大貴計制錢六千文僅易銀三兩六七錢州縣除收漕公費外尙須墊解爛漕及解兌全漕一切使費實無餘贍若再提錢一千五百文辦漕更形疲乏現在部臣熟審解兌遲延之故議令酌量變通辦理原為因時制宜起見惟臣覈計各屬全漕民間完納本色之

處爲多若概令折徵解部在州縣誠樂其便宜但慮水次較近之花戶積年納米爲常且開漕之時正值秋成粟米充裕不願折徵卽或多方示諭民無異詞異日漕運復行仍須辦運又將易折徵而收本色夫小民可與圖成難與謀始今日由本色而改折徵民或樂其簡便而易從他日由折徵而收本色民必苦其煩重而難返此勢之必然也况此中尤有可慮者現在東省漕運軍船已少多雇民船民間亦知運漕需船故每多造船以資雇用是以漕船尙不短絀若一經折解勢必停運停運則船必漸廢異日復運之時不惟運船失修不可得用卽民船亦無從雇覓蓋東省不通江湖向無舟楫之利不若江廣等省之隨處可

購此尤關係漕務之大端也實不可不預爲籌及夫從前江廣各省建議全數改折之初未始不將日後之起運本色一併籌議而行而折解既久一旦復興起運不但多廢墜不舉之端亦恆有捍格難通之勢凡事如此難可輕議更張此東漕未便全行折解之實在情形也竊以黃水漫流東省十餘年近河各屬每逢盛漲幾同澤國爲害實深而尤爲大患則在張秋穿運梗阻有關全漕大局臣受恩深重責任疆圉目覩之餘焦思極慮常訪之輿論考之簡編知開會通河轉漕以後歷來河決北岸皆以爲患漕渠非挽令南徙辦漕終無上策本年滎澤漫口幸未奪溜現已籌款堵築明年汛漲情形尙未可知而蘭儀決口歷

年既久工費浩大未能卽時堵合所幸軍事初平饒源漸裕願蓄數年之力一圖大舉使河復歸淮徐故道無穿運之患再將張秋以北運河實力疏濬工歸核實饒不虛糜庶使南省全漕悉由運河暢行無滯若黃河仍長由大清河入海雖竭疏濬之功僅屬敷衍之計金錢委之泥沙民力疲於橫流百無一效臣不敢不鯁鯁過慮也然部臣目擊東漕遲緩之弊期爲經久之規議以漕餘治河所以爲全局計者至深且遠臣職司地方豈敢稍存推諉雖知事有難行亦不得不盡力試辦第全漕實未可輕議改折臣現因籌辦濟武兩府撫恤災民懇請截留漕米八萬石以資散放另行恭摺具陳若蒙

俞允臣擬仿照上屆辦理章程以米數全行放賑月將一切兌運各費提存司庫如賑濟不須挪動卽當遴委妥員將八里廟入運河口認真勘估挑挖若款有盈餘再將張秋以北至臨清一帶擇淤墊最高者酌量疏濬來年雖南漕閒有起運亦可無阻俟查明年七八月後黃水情形如何再行妥籌辦理以期稍盡心力至東省截留以外應解之漕旣不敢全議折解惟有於來春嚴督糧道飭各州縣上緊設法依限開幫早爲抵通如有遲逾卽行參辦務在以速補遲以裕倉儲而符定制所有籌議張秋以北運河雖挑仍恐無濟並漕糧未敢全折解部各緣由謹恭摺具奏伏乞

皇太后

皇上聖鑒訓示勅部覈議施行謹

奏

撫恤災黎截漕備賑摺

同治七年九月二十八日

奏爲遵籌安輯災黎懇

恩俯准截留東省漕糧以備賑濟恭摺奏祈

聖鑒事竊

臣欽奉

上諭山東被災被擾各州縣分別輕重酌量撫恤著丁寶楨妥速籌辦以安窮黎等因欽此仰見

聖朝軫念災黎有加無已東省官民曷勝欽感伏查本年賊自豫直擾及山左困逼運東歷時五月之久蹂躪甚重濟南府屬迤北暨武定府屬各州縣賊蹤往返盤旋幾無完區而濱州惠民商河陽信濮州范縣東平東阿等處黃水異常漲發漫淹尤甚鄆城被淹最慘災傷倍於尋常徧

野哀鴻不堪言狀前經湖廣督臣李鴻章目擊被擾情形酌撥用存粳糙軍米二萬七千九百餘石臣亦將從前購存濟陽軍米一千六百餘石又飭司添購米三千石一併散給濟武兩屬災民稍濟眉急而杯水車薪無濟於事且被水災區亦待賑孔殷亟應另籌賑濟以廣

皇仁惟庫款以地丁錢糧爲大宗自捻逆頻年疊擾小民蕩析離居本年上忙收款已形短絀下忙錢糧獨緩尤多又值酌撤勇隊清釐欠饟需用更繁司庫萬分支絀實屬無款可籌臣前經奏明俟各屬被災分數勘定後趕辦賑恤如竟不能籌款請酌截本年新漕就近提解均勻散放

奉

旨知道了欽此欽遵在案非不知

天庾正供顆粒爲重今年東漕未能充裕如果別款可動斷不敢輕議截撥而輾轉思維舍此別無良策臣與藩司往返熟商萬不得已惟有仍照歷屆截漕成案酌辦以本省之糧石救本省之飢民實屬大有裨益查上屆係截留十萬石現已派撥軍米三萬二千餘石祇可節而又節請截本年新漕八萬石分別災區均勻散放先儘閘內截留如不足數再於閘外湊撥其一切章程仍照上屆辦理以免紛更各州縣儻敢延宕不解或有蒂欠定卽從嚴參辦加等治罪如蒙

俞允卽飭派誠實不欺之員分赴各該處會同地方官核

實辦理總期實惠及民以仰副

聖主視民如傷拯飢救溺之至意所有欽遵酌議截漕撫恤緣由理合恭摺具奏伏乞

皇太后

皇上聖鑒訓示謹

奏

請建昭忠祠片

同治七年九月二十八日

再軍興十餘年捐軀死綏之士趾錯踵接事定後皆經各

督撫

臣

奏建專祠總祠往往數百里間烝嘗相望

褒忠之典於是盛焉山東自

臣

調任臬司以來仰賴

天威先後削平宋景詩劉德培以及賴汶洸張總愚各股  
匪其閒將弁勇卒官紳民團暨婦女死事者甚多或慷慨  
以致果或從容以就義或野戰而陣歿或助勦而捐生殉  
難各異其同仇敵愾效命疆場固無少異也今屆闔境肅  
清論功行賞惟報祀之典猶尙闕如

臣

前月遣撤勇丁據

各營將士僉以東省未立昭忠祠所有死事將弁勇丁雖

渥被

隆恩准予優卹而忠魂無所依耐慘悼殊深當於凱撤之時均自願各捐口糧集少成多購地建祠以彰死節泣懇請奏前來臣以各該營將卒於遣撤之時猶能念切同袍捐資建祠不忘死事洵屬深明大義自應允其所請現於省城南門外太公祠旁購地一區建立昭忠總祠所有咸豐三年以後死事各將弁勇兵與夫鄉團死節之士民婦女悉以附入相應請

旨敕下禮部編入祀典由地方官歲時致祭以垂永久庶慰冥漠之心而作忠義之氣除咨禮部查照外謹附片陳奏伏乞

聖鑒訓示謹

奏

截清撥款減營節費摺

同治七年十一月二十三日

奏爲遵查東省歷年奉撥各處協饒截清解過銀數分別停解續撥並將續減勇營節省防費恭摺覆陳仰祈

聖鑒事竊

臣於十月十八日恭奉

上諭戶部奏統籌軍需全局並遵議胡大任條陳一摺軍興以來用兵省分需饒較多或由本省籌畫或由他省協濟頭緒紛繁章程不能畫一現在髮捻各逆次第殄滅而各省未裁之勇尙復不少虛糜饒項伊於胡底著各該督撫迅議章程分別遣留專案奏報其裁撤各營原撥各省協饒即可概行停解所有從前協撥之饒著截清年月銀數開單具奏等因欽此遵查東省自有軍務以來一切防

勦經費悉出本省自籌並無他省協濟且復撥解各省各路軍營協饒爲數甚多前此同治元二三年間親王僧格林沁督辦勦捻之時月需饒項大半出於東省其時本省防營較少協撥尙可騰挪迨同治四年後賊蹤頻年在境情形日緊不得不爲自強之計於是添招東治振紳吉勝常武馬步等軍設立水師礮船募練吉江馬隊所有口糧軍火等項每月自八九萬兩陸續增至十四五萬兩用項日增籌計日絀誠知時勢艱難旣未敢遽請協撥亦並未請辦捐輸添設釐局惟恃地丁所入時時嚴查事事覈實移緩就急酌盈劑虛藉以周轉東省地丁項下雖約計三百三十餘萬然除分解坐支外司庫所收實僅二百六十

餘萬自黃河改道以後水災日甚一日蠲緩頻仍計除緩  
征以及民欠每年所收實不過二百萬兩以供本省防費  
及例支各款並京餽要需已形竭蹶而奉部籌撥按月協  
解各款少則一二十萬多或四五十萬統計一年數至二  
百五六十萬不等爲數甚鉅內如固本京餽藩司潘鼎新  
營月餉皆係撥解全清卽兩江督臣曾國藩湖廣督臣李  
鴻章大營月餉先後撥解之數亦復不少其餘雖未能按  
時撥解而情形緊要之款亦皆於無可設法之中極力羅  
掘陸續籌解以應急需綜計自同治二三年起截至七年  
十月底止除京餽解清不計外實解過各路協餉經費等  
項銀二百七十餘萬兩就原撥之款核計雖覺所解尙未

全清而在東省連年軍務喫緊加以災歉異常旣以全力自辦防勦復須兼籌協撥實已搜羅罄盡凡此籌辦情形皆臣前任藩司升任巡撫所親歷者也今幸大功告成本省勇營業已及時陸續裁撤積欠之饌亦已設法清釐本年河北各屬蠲緩最多司庫異常支絀亟思撙節以爲補苴何敢稍涉糜費查東省留防之營前經奏明酌留十九營以爲分布鎮壓之用茲臣復通盤斟酌又擬續減二千八人僅留七千五百人月需防費約四萬數千兩以期節省現屆隆冬之際直東兩省素多馬賊並恐各處尙有遊勇藏匿稍滋事端已將此項留勇分營分哨派撥各屬會同地方官梭織巡查務臻安謐一時實未便再爲裁減一俟

來歲春融如察看情形可以續裁卽當隨時酌辦所有奉撥各處協饗或營頭已撤或地方已平均應請一併停解稍紓民力至陝甘軍饗雖在南省釐金項下統籌酌撥惟東省原撥督臣左宗棠軍營每月銀一萬二千兩又甘省等處在於常年例饗內劃撥暨新疆等處指撥各款前以力難兼顧未能按月籌撥現該省軍務正當緊要關係西北大局臣萬不敢稍存漠視此後東省若無軍事自當竭力籌解以利攻勦至藩司潘鼎新營月饗從前本係每月一萬五千兩嗣經改撥直隸應解銀一萬五千兩每月共三萬兩又每月應解柴薪銀二千兩因該司一軍常在東省勦賊不得不竭力接濟計四年以來撥解該軍協饗爲

數將至一百二十萬現在該司奉

旨派往左宗棠軍營助勦該軍人數現已酌爲裁減將來  
赴陝月餼應否尙須東省協撥若干容與湖廣督臣李鴻  
章咨商酌定再行具奏辦理所有東省厯年解過各處協  
餼銀數截清年月開具簡明清單並將現在分別停解協  
撥續裁勇數各緣由恭摺馳陳伏乞

皇太后

皇上聖鑒訓示謹

奏

遵 旨酌保出力員弁紳團並陳防勦情形摺

同治

七年十一月二十三日

奏爲遵

旨酌保肅清全股捻逆尤爲出力文武員弁暨東省去今  
兩年城防省防並運防河防勤勞最著之地方文武官紳  
民團核實請獎分繕清單恭摺具奏仰祈

聖鑒事竊

臣

前欽奉七月初二日

上諭逆捻疊平各營出力人員著各大臣督撫查明覈實  
請獎以昭懋賞其餘出力員弁亦著一併請獎毋許冒濫  
各處團練出力紳董人等亦著該督撫詳查奏請獎勵欽  
此仰見我

奏稿卷六  
皇太后

皇上酬庸至意微勞必錄跪讀之下莫名感激伏查東省自去年五月任賴諸逆竄過運河勢甚剽悍臣親督王心安王正起莫組紳楊飛熊王成謙等軍抄前截後日夜追勦將士積苦者半年其在膠州濰縣壽光蘭山嶧縣鄒縣各境內大小數十戰疊獲勝捷擒斬要逆甚眾而平度卽墨蘭陵等役賊銳意猛撲該將弁勇丁冒死摧鋒解衣血戰所斃尤多翦除悍賊逾萬迭經奏報在案時賊無宿糧專恃掠食臣豫飭各州縣實力舉行堅壁清野之法該州縣文武官紳志切同仇人人自奮非嬰城固守卽築圩自衛閒有窺撲之賊悉被擊退又將王心安等軍緊躡賊後

不令停喘民國聲勢更相聯絡嗣後該逆攻不暇攻掠無可掠故賊往復狂妄東境千餘里內而城防所在屹然卽圩塞失事亦復寥寥任賴等逆因此乏食時淮軍又復會合急擊幸得全股撲滅至今春張逆攔入直境臣督各軍由直隨處攔截至三月以後該逆由豫竄東臣時已回抵東昌竊慮地勢平行勦辦難期迅速一面札飭武定濟南東昌各州縣仿照上年登萊青沂等屬併村築圩人自爲守又值黃水未發恐其撲渡南奔蔓延可慮復飭委兗沂道長賡濟東道蕭培元多派妥員調集兵勇團練督飭各牧令會同曹州鎮總兵保德暨礮船水師在於黃河南岸上下游嚴密設守時該逆初入東境經王正起王心安莫

組紳三軍於荏平之北兩獲大捷不敢暫停直向天津駛  
竄臣以津郡空虛卽飛飭王正起王心安莫組紳等軍星  
夜倍道急馳赴援而自督楊飛熊一軍循衛河截勦遏其  
渡運北竄嗣經王心安等擊之於滄州王正起莫組紳擊  
之於靜海均獲大勝該逆復由鹽慶折竄武濟所屬各境  
王心安等兼程追躡臣亦帶隊馳回由德州截勦因念賊  
蹤飄忽非圍勦不能奏功比至德州而李鴻章適至因與  
面定河牆圈制之議按段分防自魏家灣至東昌府南八  
十餘里應歸東軍駐守臣卽飭令王正起楊飛熊莫組紳  
趕築河圩迭爲戰守旋又派令王心安一軍同郭松林一  
軍作爲游擊之師與皖豫及陳國瑞等軍會合力勦各軍

溽暑過征晝勦夜襲轉戰於吳橋東光及濟武所屬十餘  
州縣之間連次大捷先後擒斬無數殲斃逆目殆盡當臨  
清至張秋河牆甫築之時其時衛河西岸七百餘里尙未  
築牆無勇可派深恐該逆情急竄撲幸直隸督臣官文派  
委大員在於河西督飭團練修築隄牆臣卽嚴飭臨清武  
城夏津恩縣德州等州縣在於河西督團協修長牆四百  
餘里並派團過河協守其一切經費皆由紳團捐辦不過  
半月河牆一律告竣而馬頰河一路又爲該逆竄撲臨清  
之道臣復飭高唐博平清平夏津臨清武城等州縣添築  
河牆二百餘里以故該逆東奔西突悉皆入我牢籠而淮  
皖陝豫及陳國瑞等軍又復節節窮追不遺餘力仰賴

天威震疊遂得一鼓殄平

臣

查各營文武員弁士卒兩年

之閒身經百戰效命鋒鏑備歷艱辛其各城防河防官紳民團當賊蹤竄擾之時猶復捐貲出力趕築河牆並能約齊鄉團協助官軍扼守要隘分道夾擊保全地方現值全捻肅清均不無微勞足錄至去夏任賴逆賊撲犯省城臣方追勦在外經藩臬兩司督飭各員弁極力防守得以無患亦屬著有微勞前奏蒙

聖恩准予獎勵茲

臣

謹將節次存記各案詳加覆核擇其

尤爲出力人員分繕清單籲懇

天恩俯如所請俾文武員弁益加鼓舞至其餘出力弁兵

團勇容

臣

查明另行咨部辦理外所有遵

旨酌保肅清全捻尤爲出力人員暨各州縣城防省防運  
防黃防出力員弁紳團分案請獎各緣由理合恭摺由驛  
具奏伏乞

皇太后

皇上聖鑒訓示謹

奏

保潘駿文李宗岱片

同治七年十一月二十三日

再鹽運使銜候補道潘駿文沈細精明熟悉軍事上年丁

憂回籍經

臣

奏調來營本年三月以後張逆由豫東竄

臣

派其隨隊督勦該道身臨前敵督飭諸軍抄前截後調度有方各軍聽其指揮每戰必捷獲收盪平之效實屬異常出力又布政使銜候補道李宗岱樸實明爽練達戎機在山東軍營將及十年毫無貽誤

臣

以該道歷練有年飭派

總理營務上年派其赴黑龍江吉林招募丹丁馬隊辦理結實該丹丁來東訓練未久卽能臨敵致勝本年賊竄直東境內

臣

派其督飭前敵諸軍晝夜追勦該道冒暑馳驅將士樂用所向皆捷迄於賊平勤勞卓著

臣

以該道等職

分較大勞績亦優未敢擅行擬獎且該二員爲守兼優吏治夙裕在軍營尤爲難得可否籲懇

天恩量材錄用之處出自

聖裁謹附摺據實陳奏伏乞

聖鑒謹

奏

軍務告竣遵

旨入覲片

同治七年十一月二十七日

再臣自癸丑授職後請假回籍省親卽經奉

旨辦理黔省軍務旋蒙

簡放湖南岳州府知府疊荷

殊恩洊擢東撫十餘年來率皆從事戎旃未獲仰瞻

天顏葵向私忱時深依戀本年正月間

臣

督軍行次雄縣

京師密邇懇求入

覲奉

旨丁寶楨著俟軍務告竣再行來京欽此蒙

體恤之逾恆彌感激以無盡現值

皇威震疊逆餒永清東省一切善後及分別撤留本省勇

營並驅遣各省凱撤諸軍逗遛散勇數月以來已臻妥協  
地方現均安謐堪以上慰

宸廑臣擬於十二月內將年終案牘趕緊清釐明年正月  
卽欽遵

前旨馳赴

闕廷跪聆

聖訓俾得率循之準稍伸孺慕之忱臣不勝瞻戀之至謹  
先附片具陳伏乞

聖鑒訓示謹

奏

回任謝 恩摺 同治八年三月初六日

奏爲恭報 微臣 回任日期叩謝

天恩仰祈

聖鑒事竊 臣 於正月二十四日叩覲

天顏仰蒙

召見兩次

訓誨周詳跪聆之下欽感莫名旋即跪

安回任於三月初三日行抵濟南省城初六日准護撫 臣

署藩司文彬將巡撫並臨清關監督各關防鹽政印信

王命旗牌及一切文卷書籍等件委員齎交前來 臣 當卽

恭設香案望

闕叩頭祇領任事伏念東省軍務初靖亟以培養民氣爲先而此中經理之方非嚴飭吏治不足以奠民生非勤捕盜賊不足以安民業非痛懲惡蠹不足以服民心此外整頓營務訓練軍實尤爲切要之圖臣才本愚陋殊切冰兢茲經

天語親承旣遂瞻就之私忱實幸率循之有自惟有恪遵聖訓殫竭血誠於一切應辦事宜正己率屬認真經理馭之以嚴肅矢之以愼勤用期物阜民安上酬

高厚鴻慈於萬一除恭疏題報外所有

微臣

回任日期及

感激下忱理合繕摺叩謝

天恩伏乞

皇太后

皇上聖鑒謹

奏

估勘曲阜 文廟要工摺

同治八年四月二十九日

奏爲委員敬謹查勘曲阜

文廟各處要工並估計工料確數恭摺具奏仰祈

聖鑒事竊 臣於同治七年八月間欽奉

上諭李鴻章片奏曲阜

孔廟宜及時修葺請飭兩江湖廣總督各籌銀二萬兩彙解山東並由山東巡撫在本省籌銀二萬兩派員興修等語卽著曾國藩郭柏蔭於該省撤軍就緒後各速籌銀二萬兩解赴東省並著丁寶楨在該省籌銀二萬兩遴派妥員敬謹將

大成殿九間檐宇及坍塌各工擇要興修以昭誠敬等因

欽此欽遵分別咨行查照辦理並遴委大員前往敬謹勘估茲據委員濟東泰武臨道蕭培元兗沂曹濟道長賡會詳稱督同署曲阜縣知縣侯甲瀛趨赴

廟庭面晤衍聖公臣孔祥珂飭令委員執事官等帶同誠實工匠將

大成殿

寢殿暨

大成門東西兩廡及杏壇亭與齋宿公所各項要工逐細切實估計之後復經刪駁無可再減共需京錢十八萬四百千有奇並聲明工係捐修免其造冊報銷等情詳請具奏前來臣覆查山左爲聖賢桑梓之邦臣前帶兵道出充

州仰瞻

廟堂因年久失修閒多傾毀祇緣軍務倥傯兼以經費短絀遂致力與心違茲幸羣寇還平而江湖兩省又復力籌助理自應趕緊修葺以壯觀瞻而昭誠恪臣將送到估冊逐一覆覈均屬撙節無浮已飭藩司籌銀二萬兩又准兩江督臣馬新貽解到銀二萬兩現在照估選辦料物一俟購齊卽當諏吉興工另派公正大員會同衍聖公臣孔祥珂督飭委員執事官等敬謹承辦凡有用項核實支用毋稍草率浮冒務期棧題丕煥輪奐重新以仰副

盛朝重道崇儒之至意凡一切應辦事宜應由臣會同衍聖公臣孔祥珂查明妥爲辦理除咨部查照並俟工料購

齊後再將開工日期及辦理情形另行奏報外所有委員敬謹查勘曲阜

文廟各處要工及估計工料確數現在選工購料各緣由理合恭摺具奏伏乞

皇太后

皇上聖鑒訓示謹

奏

鼎軍索饒滋事摺

同治八年六月二十四日

奏爲鼎軍勇丁索饒滋事旋即拔隊南下請

飭查拏懲辦以警兇頑恭摺仰祈

聖鑒事竊

臣

於六月十九日接據署兗沂曹濟道王成謙

稟以轉據嶧縣稟稱駐紮韓莊之鼎字營勇丁於十五日

午時因索發欠饒當將統領所開之銀鋪抄搶一空晚間

兩次又將韓莊大小鋪戶全行搶掠鬧事之人至今未散

該道刻卽馳往相機彈壓等情

臣

查五月二十七日欽奉

諭旨潘鼎新所部勇丁卽著該藩司妥爲遣散等因欽此

當經恭錄行知復恐該營遣散後有游勇逗遛卽飭派參

將莫在明帶隊前往嶧縣駐紮稽查並東省協撥該營饒

項自上年十月該軍裁減後奏明自十月爲始每月改解協饗銀一萬五千兩截至本年四月止均已按月解清五月內奉

諭遣撤該營卽飭司將五月分月饗於五月二十九日委解於六月十四日到營交納是東省協撥該營饗項毫無蒂欠今該營勇丁以索饗向該營官滋鬧其中欠饗若何臣不能知而於鬧饗之後膽敢將韓莊鋪戶全行搶掠實屬目無法紀臣接稟之下不勝忿恨當飭署兗沂曹濟道王成謙前往認真彈壓並以本任兗沂曹濟道長賡於該處一帶地方威望素著令卽馳往會同王成謙督率派往各營查拏滋事各勇懲辦一面妥爲安撫居民二十二日

復據王成謙稟報以馳抵滕縣經巡勇盤獲鼎營逃勇二名訊據供稱搶得銀錢之勇千餘人多於十六日分逃各營官收集餘勇先發一關饒銀餘俟開至宿遷再行籌發已於十七日拔隊前赴宿遷並據代統鼎軍皖南鎮總兵潘鼎立道員萬國順具稟發饒移營各情均屬相同復查該軍自同治四年到東已來卽食東饒計四年之閒先後協解銀不下一百二十萬兩均無分毫短缺卽此次奉文遣撤准湖廣督臣李鴻章咨商趕解三箇月饒銀臣以應解協饒雖已解清無欠而該營遣散之際川資一切需用較多不能不極力設措銀二萬兩以資津貼正在委員起解閒而該營勇丁乃以本營開饒竟敢搶掠地方實出情

理之外查該營勇旣已滋事所有東省另撥津貼銀兩自不應復行籌辦然大局所關臣亦不便過事拘執現在另撥之二萬兩已由藩司於二十日委員解往惟臣前派長賡等馳往察看嚴飭務將滋事爲首各勇悉數查拏稟辦今該營於滋事後卽已移往宿遷自不能跟蹤往捕而東境被害之百姓冤憤莫伸情實難堪除札飭各營縣查明如有逃散在東之勇嚴拏訊辦外應請

勅下湖廣督臣李鴻章嚴飭該藩司潘鼎新及代統之總兵潘鼎立等務將起意搶掠居民之勇按名查拏管解來東盡法懲處並將不能約束之各將弁查明從嚴參辦以警兇頑而昭炯戒理合由驛四百里具奏伏乞

皇太后

皇上聖鑒訓示謹

奏

黃水決口暫擬緩辦片

同治八年六月二十四日

再黃河自蘭陽決口漫水下注東境未至張秋穿運以前  
汎濫於荷濮鄆范壽東各屬兩岸雖略有官隄民堰未能  
一律高厚且河面較寬每年溜勢南北遷移靡定情形時  
有變更上年秋閒濮鄆交界之趙王河東岸民堰經黃水  
衝決數處下游鄆城地方多被浸淹經臣將被災村莊查  
明分別輕重奏請緩征撫恤在案惟查衝決各處均去大  
溜不遠若不力籌堵築不惟鄆城受漫淹之害恐安山以  
上一帶運河亦將不可保當卽嚴飭該地方官勸諭居民  
務於春初趕將缺口堵合以衛災區而保運岸本年開工  
後節次嚴催趕辦祇以此項工程均係民捐而鄆邑自去

歲被淹之後百姓大半遷徙嗣經地方官竭力勸導其稍有力之家皆各願堵合決口仍各回歸故土共安耕鑿是以於拮据之餘輸捐者獨復踴躍但捐數零星收集不易而災歉之地料物較昂難以隨時應手故自本年二月春融後開工所有小口各處均已堵閉惟附近紅川莊一處水勢較大不易施工計已成壩身百餘丈尙有口門十餘丈因汎水漸長日益刷深人力雖施未能堵合又迤南胡家堰缺口亦以人工料物俱少未能分投趕辦僅將裹頭盤住以免塌寬現當大汎經臨斷難與水爭勝祇得暫行停工由該地方官具稟前來臣查該處缺口其始原係漫水分流大溜數條尙在其西北因新決之處地勢較爲低

窪水勢亦漸趨注故前大溜經行之處現在轉覺力微致此處遂形喫重而民間捐貲一時不能遽集多有停工待料之時兼之築壩進占一切俱屬民辦諸從節省其未能及時堵合本有實在爲難情形不得不暫准停工俟秋冬水涸之後再行派員確切查勘督同趕辦以期早爲歲事惟現在民間所捐經費已將次用盡將來仍須續行勸諭第恐被災之後一再捐助慮難敷用而工段緊要日後如果民力實有不繼勢不能不設法籌撥帑項以資接濟而恤輿情容俟臨時查看情形再行奏明辦理現嚴飭地方官督飭各紳董將做成工段加意防範以免疏失俾將來易於集事所有黃河決口未能一時堵合暫擬緩辦緣由

謹附片具陳伏乞

聖鑒訓示謹

奏

遵查東省釐卡情形分別存留裁撤摺

同治八年七月二十八日

奏爲遵查東省各處釐卡歷年抽收釐金並撥解軍餉數目現在酌量情形分別存留裁撤恭摺覆陳仰祈

聖鑒事竊

臣

於本年六月二十七日欽奉

上諭給事中劉秉厚奏山東東昌府及歷城縣之濰口鎮利津縣之豐國鎮自咸豐年間設立抽釐分局迄今尙未停止著丁寶楨體察情形將各該處分局酌量裁撤以恤商力等因欽此伏查軍興以來軍餉不充多藉抽釐接濟然釐金之多寡恆視商貨爲定衡東南各省環靠大江水道順利商賈流通故百貨暢行抽數較旺釐金實爲大宗東省則地居北方貨物多由陸運商販之成本過重則抽

釐之舉辦維艱故通省向未設有釐卡自咸豐十一年及同治元年前撫臣譚廷襄任內因經費萬分支絀先後在歷城之濼口鎮聊城之東關陽穀壽張東阿兼管之張秋鎮平陰東阿兼管之滑口鎮四處設卡抽釐亦以濼口滑口爲大清河商船必由之路設局較爲扼要其收釐章程濼口抽收百貨兼及鹽觔其餘各卡皆專抽雜貨且均以一卡收釐諸卡驗票以防朦蔽而杜重徵至同治二年又因館陶衛河雜貨鹽觔頗覺通暢添設一卡嗣因黃河西來船隻可以繞越張秋遂將滑口釐金裁撤改設於壽張之沈家口上年因黃水南趨商船並可繞越沈家口本年復將該處釐局移設東阿之姜家溝而於東平運河之安

山另設分卡以資查驗此東省歷年設立釐卡及裁撤移分之實在地方也其各局每年收釐之數濠口則自四五千金以至萬餘金張秋姜家溝二處合計則自一二千金至五六千金不等館陶則自一萬六七千金至四萬五六千金計惟館局所收爲最旺聊城則最旺之年曾收至三千餘金常年皆不過一二千金並有僅六七百金者因該處近值運河淤塞必待伏汛黃水灌入商船始通終年計不過三四箇月故收釐獨少合計各卡所收釐金最旺之年不足銀七萬兩常年不過二三萬兩自咸豐十一年十一月起截至本年六月止計以錢合銀共收銀三十萬餘兩此各卡抽收釐金之實在數目也至釐金動支之數初

欲稍補軍需乃自同治二年十月奉文每月撥解直隸藩庫固本兵餉銀五千兩奏明在百貨釐金項下動支節次改解副都統定安軍營暨大名糧臺除欠款免其補解外計解過銀十三萬餘兩後經改解部庫截至本年四月又解過銀十六萬五千兩其五六兩月之餉現經奏咨委解並未蒂欠其撥解之時因百貨釐金萬不足數多以鹽釐及別籌他款湊解合計自同治二年十月截至本年六月釐金收數不足三十萬兩而撥解軍餉已及三十餘萬兩東省軍需並未得此接濟此又釐金支撥動用之實在情形也臣查東省釐卡原設僅五處自二年以後並未添設一局其抽數甚屬細微週年各口所收實不及東南各省

一大局不過以經費支絀之際辦理數年亦不無小補若如該御史所奏東昌歷城利津三處每日各局所收俱不下千餘金覈計終歲可收銀百餘萬兩非但北省事理所無卽以南省而論除江蘇上海一口外其餘卽係大局亦斷不能收此鉅款至所稱利津之豐國鎮細查歷來並未設有釐局祇有鐵門關地屬利津爲東海關按則收稅與設局抽釐事不相涉該御史恐係得之傳聞之誤亦未可定惟臣恭奉

諭旨飭令體察情形酌量裁撤自應欽遵查辦查東省雖經肅清而固本軍饟尙未停撤加以兵燹甫經元氣未復現在經費亦宜寬籌濠口爲大清河鹽貨之所經張秋鎮

姜家溝等處爲汴晉雜貨之所經館陶爲衛河鹽貨之所經收釐均稱有成數擬請照舊抽收暫資接濟且設局之處有委員駐紮巡查於奸徒涵迹亦覺有所稽查俟地方漸次復元軍餉漸可全撤再當查看情形隨時裁撤至聊城一卡收數本屬細微實屬於事無濟應請卽將釐局裁撤以歸簡易至釐局所在雖經嚴定章程禁絕擾累然書差之訛詐委員之弊混誠恐有所難免臣當嚴飭總局委員加意查察並不時明查暗訪如有此等情弊定行從嚴懲辦決不稍寬以期仰副

聖主體恤商民之至意所有遵查東省收釐實在情形並酌量存留裁撤緣由謹恭摺覆陳伏乞

皇太后

皇上聖鑒訓示謹

奏